

國

朝

詞

綜

國朝詞綜卷二十五

青浦王昶纂

毛健二十六首

王輅十七首

王嵩十一首

陳枋三首

毛

健

字今培太倉人貢生有卧茨樂府一卷

王小山云鶴汀杜門家居購唐宋以來諸名家樂府徧覽而精收之蒼萃醞釀久而後發故所著彌工挹其神致大都在蕢州花外玉田之間

菩薩蠻

流蘇百結參差影繡羅輕軟鴛鴦枕斜月小屏風玉人殘夢中  
起來無意緒記得銷魂處窗外子規啼梨花

飄滿衣

昭君怨

簾底燭花銷盡惹得春寒春悶初月乍朦朧杏花風  
繡帳文鸞半捲人在畫屏前面道是沒心情理銀箏

玉樓春

玉船銷盡銀釭燭幾度風枝牕外閃閒階夜久月痕移  
漸漸落花牆角暗牀空枕冷屏虛掩好夢難成亦  
暫畫樓人去不歸來猶卧迴文湘縷簾

疎影

秦簫怨咽比斷蛩孤雁還更淒絕消損東陽幾夜秋風

瘦到詩魂花骨燈昏香燼幽房冷半睡裏驚心暗怯怪  
空階寂寞無人誰踏檻前殘葉應是相思夢斷餘情  
再喚轉舊侶蝴蝶玉珮歸來淺倚銀屏髣髴淡雲明滅  
梅花小影紗窗下恨只恨角聲吹徹待覓取簾外幽蹤  
已逐曉風殘月

浪淘沙

簷外雨瀟瀟  
點點無聊聲  
聲滴向不眠宵  
賴是階前春意淺  
未放芭蕉  
窗紙一條條  
風又飄搖  
半昏燈  
檠被香銷  
這段淒涼無處著  
寄在梅梢

尉遲杯

展畫像有感

雙棲燕記錦窩柳密天桃暖畫欄團扇風流情與月輪  
同滿瑤臺夢短春雲冷雨打梨花散悵銀屏兩鬢鴉蟬  
彩筆生綃一展 依然笑靨柔婉映簾外梅梢竹影零  
亂淚滴崔徽魂銷倩女付與斷鴻哀怨虛房靜憑何消  
遣悶不覺紗窗苔千點任塵絲琴薦笙囊微病心情渾  
懶

百字令

荷蓋

碧雲乍展似金盤捧露仙掌亭亭最好河橋千片雨冷  
香吹上吟屏障日陰濃搖風柄弱態度早輕盈尙餘芳  
意漸抽玉管瑤簪 幾度柳幙花帷西園游噀飛影傍

莎汀恰對玉環新浴出畫闌團扇初擎謾謾鮮顰田田  
舊路南浦萬重情水天涼月忍教隔斷空明

秋霽

潭影軒小集

潭水澄鮮帶岸柳汀荷共釀秋色魚影浮空鷺絲迎面  
幽窗半簾斜日蘭苞乍坼碧甃益益琉璃濕共綺席猶  
是舊時耽酒愛花客殘夢又省一曲清歌那回秋娘  
扇底曾識對遙空魂飛目斷行雲飄散竟無迹應笑鬢  
絲垂頂白佳景空在簾外一頃風漪數聲新雁暮鐘催  
急

解語花

蘭姬再遇舊歡

塵埋寶鏡縷斷銀瓶沈沈海天路絕不分相逢倚欄杆  
猶是那時烟月銀鈎細畫空想像紅牋舊摺無限酸辛  
情共語和淚心頭咽 迴腸猶寄短拍幾調宮商彈斷  
黃金撥輕薄飛絲送殘春誤了撲花幽蝶今同再別殘  
夢如雲何處覓捲地西風秋一片亂落梧桐葉

一萼紅

游黃太史舊園

靜悄悄正寒梅初放蕭索倚空林磴古苔荒池涇水涸  
勝侶空費追尋想猶是東山舊蹟問當年觴詠幾登臨  
烟草凝愁風篴做冷一片春陰 回首玉堂遺老歎汪  
汪叔度騷雅知音壓架藤花滿欄芍藥芳時珠履瑤簪

歡未盡亭臺旋換小滄桑歲月太駸駸觸起羊曇悲淚  
幾度霑襟

喜遷鶯夢

屏山無路甚一縷斷絲輕隨飛絮想逐游仙幾番行雨  
曾入羅浮深處生慣幽蹤冷跡誰覓香塵微步算此際  
只疎星淡月知伊來去愁緒又怎奈香鎖霧牕深困  
眉慵舉蝶亂將收梨濃待散還被繡衾留住風觸瑤箏  
暗覺春入鳳幃無處多少恨恨柳條風急鶯聲催曙

又影

驚鴻飛燕送一霎風流憑誰牽挽嫩柳陰中小梅枝下



唐車詩集卷二十一  
四  
恰值玉階春淺間共秋千搖曳輕逐湘裙旋轉這情態  
比陽臺短夢朝雲初見堪戀知別有脂媚粉香無計  
回嬌面月轉斜廊燈移幽幌最是惹人腸斷滿鏡春酣  
自賞一幅離魂難喚料那裏有金籠鸚鵡偷窺渾慣

憶舊游

詩朋酒侶燕賞花時良會莫繼慨然于懷

自薔薇放後芍藥開時已餞春光過了清和節又輕衫  
小扇綠樹迎涼麥風暗銷清興虛綻絳榴囊悵酒渴襟  
懷因循負却竹院荷莊思量舊游處擬散髮空林濕  
足滄浪聽說琴樽約待小山叢桂寒艷淒香怕是西風  
搖落秋色滿江鄉但倚枕無聊南窗睡足清晝長

玉京秋

憶南園荷花

晴鏡滿濃霞弄粧影碧溪清淺漢宮小隊初寒雲帳引  
起一襟涼思蕩幽情湘浦江岸當時見翠嬌紅靚舞邊  
歌畔咫尺蓬壺遮斷送清愁蘋鷗暗扇想洛妃凌波  
幽雅翻成淒怨虛館輕陰算只負冰簟胡牀吟伴夢魂  
遠飛入涼雲一片

珍珠簾

繡戶簾垂上標綺句云明月長窺曉風不捲衍其意爲此詞

湘筠細織迴波淺深深處掩映曲廊西畔做弄許多幽  
稱露窗雲幔月縷風絲交蕩漾早結就清宵冷伴搖亂  
又芭蕉暗拂桐陰斜轉已放桂影侵衣甚濃香暗鎖

不教輕散小鏡傍粧奩只落花遮斷好是空明仍遶密  
任冷落瓊鉤銀蒜誰挽正屏山人困瑤臺夢遠

浪淘沙

潭影軒納涼

無處著塵埃水浸亭臺漾空魚影弄浮苔一片荷風涼  
似雪密竹中來小立倚庭槐薄醉情懷晚天雲卷碧  
無涯料得歸時人卧靜月滿空街

臨江仙

樓上輕寒風景悄橙陰靜鎖濃烟玉琴拋在亂書邊花  
枝燈影低供小金仙白髮懣愁香篆裏憑銷錦字因  
緣斷雲惹夢又無端一鉤斜月偏挂曲欄前

摸魚兒

問飄條亂垂素髮何如此日情緒相思沉困微灰冷風  
味斷煙殘兩秋幾許在冷翠幽窗寂寞無人處淒涼院  
宇算只有寒鴛依依相伴聽我夢中語銷魂句寄在  
梧桐老樹聲聲都是酸楚夜長漏點遲還急更也毫無  
憑據天乍曙再啟戶挑燈悄下閒堦去不堪凝竚正碧  
落蒼寒月沉星動風冷滿身露

月當牕

隣女小名三三

非鶯非燕邀月成佳伴何處梅花頻弄巫山夢驚分斷  
上巳春步緩湘波裙摺散誰贈雙文新句張家影柳

家變

綺羅香 新綠

清潤亭臺霏微欄檻曉露欲銷還濕軟不禁風只有嫩  
陰披拂想清江水漲蒲萄漾空際濃山千尺但西園幾  
點殘紅蒼茫無處問春色 碧雲詩句曾憶閒倚重帷  
深靜知鶯幽寂冷逼琴書又借晴光移入認虛明簾捲  
窗空正黯澹霽烟輕羃怕淒涼暗雨黃昏做成千萬滴

南鄉子

蕉綠漲瑤窗鸚鵡雕籠絮語長金井汲泉聞沃手紅  
虛髻藏花茉莉香 團扇更悠揚小釧輕紗淡黃微

了冰桃兼雪藕迴廊消受桐風一陣涼

念奴嬌

女兒香

蟠根海嶠蘊蘭膏薇露結就濃春月窟移來仙桂斧橫  
空劈取龍鱗荔子陰中榕花落處遙寄選珠人雲梳小  
片等閑收在羅巾莫是留待韓郎熏殘翠被還解繡  
囊分依約奩中脂粉膩星星透入犀紋寶鴨宵然金猊  
煖顫煙裊拂歌塵陽臺夢覺瑣牕留下朝雲

金菊對芙蓉

落葉階深殘荷水淺來鴻去燕都雙正黃花堆徑誰共  
清觴西風吹入相思句聽鳴蛩半掩秋牕黃昏時候細

尋前事何處堪忘 自歎白首潘郎任錦書頻寫那盡  
思量只清宵殘夢落月空梁故人久在雲山外最憐他  
藥裏書囊梧桐小院輕綿覺冷滿地清霜

東風第一枝

淺草東風淥波南浦春如困眠初醒彩毫重返花魂錦  
夢暗銷月影柳絲半鞦叉惹起年時愁病做沈郎一捻  
腰肢日日畫欄閒凭 空想像黛蛾秀整誰料得玉簫  
沉靜謾傾竹葉深杯怎煖芙蓉半枕許多心事總付與  
燈殘思省被小窗細雨梅花驀地釀成春冷

眼兒媚

柳條輕軟杏花鮮見了便情牽送闌微笑背燈私語別  
是巫山 瓊枝想像春還在題破浣花牋昨宵醉後今  
朝夢裏明日愁邊

更漏子

不成眠還似醉做就許多憔悴金鴨冷玉蟾明空階落  
葉聲 雲母扇芙蓉面只隔秋雲一片愁未了夢偏稀  
曉鴉門外啼

王

輅

字素威太倉人諸  
生有萍虛詞二卷

點絳脣

粉絮濛濛西園落盡無人管翠樓新怨偏向東風滿



暖日烘花深靜閒庭院屏山掩春融夢遠人似晴絲軟

南柯子

弱擬金堤柳嬌嫌繡戶鶯春濃香夢最關情漸覺綠窻  
貪睡病初成脉脉愁清晝盈盈出畫屏鳳鞋新試玉  
堦行早惹落紅香點一星星

浣溪沙

漠漠輕陰暝玉樓鳳簫聲斷畫屏幽竹窗蕉雨思悠悠  
多病近來疎酒盞峭寒終日下簾鉤最難將息是深

秋

虞美人

游寄園作

經時閑却園中路搖落成秋暮小橋重過恁淒涼一徑  
疎林黃葉冷殘陽玉簫聲杳粧樓在幾樹寒梅外含  
情還是立移時惆悵曲欄依舊畫簾垂

又

聞說碧桃開滿院強作尋芳伴畫橋西畔弄秋千幾葉  
繡裙飄碎綠楊烟秦樓記有蕭郎約春色輕拋却香  
囊不整鞦韆金釵知向亂花深處悄歸來

采桑子

艷雪軒作

春光欲別園林去落盡殘紅烟柳濛濛小鳥梳翎細雨  
中芸窗寂靜攤書好一盞茶濃瀟灑誰同暗遞清琴

隔院風

綠意 春草

飄紅委素正春庭  
鋪繡碧雲凝  
聚香淺瑤階細軟輕茵  
引得鳳鞋微步西園亂舞雙黃蝶  
逗幽叢欲飛還住  
記詩情夢覺池塘吟入翠箋新句  
和煦踏青天氣芳郊  
外繡轂雕鞍來去脉脉斜陽做弄  
淒迷誤了玉梯延佇  
天涯憐取羅裙色  
怎長伴王孫羈旅  
惹相戀河畔青青  
漸老幾番烟雨

卜算子

低髻晚來粧  
袖捲金釵露  
閑展霜紈試綵毫  
偷寫蕭郎

句 薄汗不沾衣玉骨偏消暑茉莉花前坐晚風細數  
流螢度

簇水 咏萍

雨過春池翠鈿小曉鋪清鏡荷錢荷扇做一片綠雲相  
映彌望碎痕何限寂歷荒溪靜料久斷采菱香艇 渾  
無定看飄泊總隨流水帶飛絮輕狂逞暗覺波心有多  
少游鱗競好倩垂楊輕掃暫得窺明淨霜洲晚紅染蓼  
花影

惜餘春慢

竹影流螢桐陰瀉露雲斂碧空如水琴冷金徽香消銀

鴨閑向小欄獨倚翠蕤茉莉開時自摘瑤房暗縈離思  
記晚涼乍試新粧初換玉鬢微墜而今嘆多病情懷  
離鸞院落消受經年憔悴好天良夜萬緒千愁逆入風  
前雙淚殘月依依未沉弔影虛庭涼侵衣袂恁宵深籟  
息何處紫簫聲起

珍珠簾

王昌舊住東牆畔偷窺處曾識香紅半面隔斷小粧樓  
悵春風庭院盼得落殘紅杏樹漸露出窗紗幾扇誰見  
偏新寒料峭重簾未捲最是閒處關心聽花間弄佩  
宵深放翦斜月瞰雲屏妬棲香雙燕綠葉成陰能幾日

歎咫尺依然銀漢猶戀倘夢感櫻桃忍教輕斷

一萼紅

湄春眠被呢喃梁燕喚起宿粧殘宮額粘鈿香腮注粉  
重窺曉鏡春妍更挑動探花芳緒湘簾捲雲歛蔚藍天  
團鳳羅衣雙鸞繡履悄步西園一徑紅遮翠映正鶯  
啼芳樹蝶撲晴烟草淺鋪茵柳低垂障最宜位置秋千  
悵春光闌情何限暗沉吟小立倚紅欄折得櫻桃歸去  
點上香鬟

探春

柳密藏鶯花深瑣燕最是闌情時候虛館蕭然幽懷暗

省依約年光如舊簾低藥爐聲偏催得沈郎清瘦驚心  
十載疎狂底事更堪回首 曾向綺叢廝勾念幽恨縈  
香艷歌消酒小院花寒空廊月暈猶記凭肩香袖蝶夢  
覺偏遲算空費相思紅豆一卷南華兀坐謾銷春晝

齊天樂

寄洞庭友人

一繩涼雁南樓度寥落暗驚心緒綠醕浮香黃華破萼  
最憶天涯靜侶翠緘寄與却慰我相思費題新句報說  
湖山葉舟偏好汎秋去 風光遙想此際萼絲應正滑  
鱸膾堪煮橙實懸霜楓林醉日秋色與誰同賦離居獨  
苦但抱影窮廬病懷酸楚甚日移家綠簑同釣雨

疎影 竹影

碧雲庭院共蕉桐幾本清陰遮徧密瑣斜陽漏山玲瓏  
滿地碎金篩亂脩脩俯映青溪曲更添得鴨頭翠染弄  
晴光素壁虛廊愁煞雨銷烟斷冉冉山河孤簪正獨  
抱岑寂芳意誰見却羨雙雙交倚春庭巧學合歡幽伴  
無風月印千竿靜看界破簾波愆眼倩生綃染就龍煤  
收拾春痕一片

掃花游

戲和又瞻內弟上元詞

春城不禁正火樹交燃鬧蛾聲滿玉街春暖簇珠鬢翠  
鬢花前炫轉入市羊車却趁塵香月艷湘簾畔惹秋波



齊注纖指遙點 坊曲閑尋遍有小院幽姝鈿鞦傳怨  
俊游獨擅付吟香彩筆留仙詞卷病沈誰憐卧聽隔隣  
簫管重門掩剪寒燈破窓風閃

瑣窓寒

春陰

雲葉烟絲鳴鳩催做一番春暝沉沉簾幙怎喚紗幮夢  
醒掩金鋪東風料峭殘紅亂落空閨冷奈江頭挑菜人  
歸無雨翠衣留潤 况近催花信怕燕迷舊壘蝶銷新  
粉春綃帶剪針線繡窓慵整誤踏青佳約又過燭花暗  
占晴未準倚紅樓滿眼冥濛柳綿飛隱隱

王

嵩

字穎山太倉人諸生  
有別花人語一卷

王小山云南宋詞人號極盛然以夢窓之奇麗而不免于晦以周草窗之澹逸而或近于平頴山詞能兼二窓之美而無見病

南柯子

香雪閣晚眺次小山叔韻

零落園亭古凭高眼不遮夕陽影裏數歸鴉人立小樓清瘦似梅花  
漠漠輕煙合朧朧片月斜客中可奈負韶華家隔青山幾疊卽天涯

一斛珠

香銷金獸綠窓夢破鶯啼晝玉人微病慵鍼繡睡過花朝寒食清明候  
好景輕拋能再否風光有幾人歸後  
傍粧臺兩蛾長皺簾裏春愁簾外梨花瘦

滿庭芳

中酒心情落燈天氣淒清易到黃昏暗尋殘夢獨自啟  
重門依舊曲闌花影還空認玉色香痕凝情處竹聲風  
韻彷彿墮釵聞消魂思往事分香小院待月清樽並  
蒼苔立處摺摺羅襪誰道僊衣化蝶空餘下一片苔紋  
惆悵煞好天良夜餘恨隔前塵

一萼紅 櫻桃

餞春殘正離離朱實碧樹綴輕丸怕有鶯知花鈴密護  
露枝風葉初妍趁芳晨和烟新摘筠籠裏一一寫珠圓  
南塢楊梅北村盧橘風味應先曾想頰盤纔薦香未

纖試弄玉映脂鮮漿溢瓊犀芳流薇露華池甜沁心田  
細核輕隨香唾落染餘痕羅袖紉花斑暗觸相思無數  
紅豆依然

蝶戀花

依約春光難記省梅雨模糊又做愁人病嫩綠半篙池  
水淨新荷穩立蜻蜓影閒竚溪橋天欲暝萬本榆槐  
罨斷前村徑落日柳梢風不定平林野色人歸冷

玉樓春

迎燕

江南來作差池羽芳徑芹泥初潤雨綠楊陰下盼樓前  
掠盡斜陽尋舊主足間尙繫紅絲縷重省梨花深院

字去年恩重捲簾人應望日長相伴住

踏莎行

曲徑通幽斷隄迴步任隨花柳東西去人家一帶水光  
中舊游記得曾來處蝶趁游絲鶯捎落絮東風撩亂  
春無語半醒欲醉弄晴天斷雲殘雨相思路

綠蓋舞風輕

荷風集總宜軒賦

力淺晚涼時拂水縈花還教翠裳展紺玉波寬瑤姬行  
雨過催送千片暗遞疎香便冷落畫羅團扇奈歌筵雪  
藕絲長總教吹斷堪戀水閣幽期薄暮捲湘簾藥袖  
都滿蘭橈歸來采瑤房尺二楚鬟低卷蹙眉多

少翠牽紅。凝露華、濃颺落一池珠串。

蘋影

秋桐

霜柯撼撼。共竹陰滿地。並起騷屑。白露離離。一點飄零。  
早報清秋時節。蕭疎不受多風雨。但攪碎斜陽千疊。更  
階前落滿。綳雲瘦到半庭殘月。百尺橫空。孤影雁行  
斜度。處處遙露天末。金井荒寒。一片清霜。玉虎敲殘黃葉。  
西風飭盡吳宮樹。還愁把舊題吹滅。悵清宵立遍殘陰。  
遙憶美人寒絕。

鳳凰臺上憶吹簫

諸同人和予所作采桑子予戲答此解

碧落游絲晴空擘絮。一天情緒。根由短夢尋無跡。收拾

閒愁贏得香箋錦字整一幅粉膩脂柔算還似評花小  
史記豔分幽風流江花競和都誤道三生杜牧揚州  
歎何曾問得燕子紅樓惟有河橋絲柳眉和眼曾識蘭  
舟空回首一川萍水半晌綢繆

澡蘭香

重午用吳夢窗韻

籠鸚剪舌艾葉粘扉時序使人乍覺紅榴潑火瑤滿鋪  
鈿已過燕期鶯約料幾家小閣深深都應纏絲繡萼紉  
玉波寶翠拂盡船烟弱十里湖光舊路黯黯魂銷總  
迷愁魄釵符鬢縷水閣紅闌錯認幾番簾幙但歸來恨  
比湘纍悶把香蒲自酌念澡蘭院落無人愁添眉角

陳

枋

字次山  
宜興人

天香

元宵或餽予粉團漫賦

鄰火茅簷村舂秣米家家盤糝春雪石粉輕霏玉纖細  
染幾費吳娘欸捻江南別久忘不了鄉園節物猶記燈  
期下飲翻匙柜妝圓活故人念我愁絕轉晶丸樣臨  
明月雲氣橫窗畫檻溫磨初揭茶烟裊來風小伴夜冷  
淒淒餅同說屏當圍爐煨他榾柮

疎影

柳莊銷夏之一

前溪翠窈早通波渡口魚步遮了密密疎疎整整斜斜  
柴門碧色娟好林禽亭午飛無迹只斷續亂蟬喧噪儘



國朝詩集卷之二十一  
緣陰分影東西趁轉半村殘照 早又雲拖雨過千絲  
蘸水處風定猶嫋散髮披襟閒話鄰翁多凭赤闌橋小  
王瓜喚賣圓沙外有隔浦趁虛船到漸濯枝新雨紛紛  
低拂晚涼多少

剔銀燈

寒檠

獨院偏荷黯黯冷靠徧綺疏書檻深牖烟霏小紅花落  
人影寫來都淡風簾低撼遮不住青熒熒閃 閒數十  
年淒感曾在野航山店一盞背窗半衾聽雨愁絕解衣  
殘焰寒光搖劍照無睡心清更點

國朝詞綜卷二十五

國朝詞綜卷二十六

青浦王昶纂

王策 三十五首

徐庾 十四首

王策

字漢舒太倉人諸生有香雪詞鈔二卷

王小山云吾家漢舒香雪詞逸塵而奔幾欲駕兩宋諸名家而出其上吾婁建治三百年始得一香雪學之久而弗能至者如余是也

十六字令

愁草際淒淒訴不休良夜永織就一庭秋

南鄉子

日影紅檐蜻蜒翼薄柳花粘隔院鸚哥眠白晝東風瘦

國朝詩集卷二十二  
時節落花人病酒

玉連環影

雨

絲雨日日愁千縷  
濕盡闌紅又濕籠鸚羽  
翠簾斜繡床遮香膩  
輕綃人懶似楊花

甘州子

畫眉纔了換花冠  
簾雨細篆香殘  
雀釵金膩  
濫烟鬟風勒柳絲寒  
青一把搭在小闌干

天仙子

曉發尚湖

遠樹驚鳥飛不定  
烟中漸吐青山影  
犬聲荒店未開門  
西風緊  
霜華凝  
半湖殘月蘆花冷

烏夜啼 庭中玫瑰一叢秋來忽發數花

濃香豔紫重重小闌中夜半苔根露下響秋蟲 傷薄  
命憐孤韻一般窮生把東風背了受西風

浣溪沙 玉山道中

綠葉鶯啼卵色天柳絲金老漾殘烟遙峯缺處亂雲聯  
山脚草香低蝶翅灘頭風緊聞漁船小橋茅店酒旗  
偏

又

野堠斜明遠樹間幾家邨屋嵌屏顏筍輿看近小城灣  
苦竹烏聲流水寺短蘆牛背夕陽山天公著意做荒

寒

南柯子 七里灘

澗水新烟碧 春山小雨靑  
淡霞紅裏片帆行 可惜好峯  
看盡不知名 天氣靡蕪老  
風絲荇葉晴 金沙玉磔夕  
陽明 那得一生長此伴啼鶯

河傳 野溪春泛

微雨春暮綠波嬌 夾港人家  
小橋溪藤岸楊青蔓交風  
搖低枝通短篙 葉暗烟深  
疑路斷 船一轉別浦迢迢  
遠晚炊情雞犬聲新晴歸  
雲渡水明

虞美人

平原君生前小詩有落花小院夕陽黃之  
句詞旨淒婉惜全首缺落借填二詞以志

哀悼

惱春心事消魂景併入香奩咏落花小院夕陽黃  
誰得晚窗風致恁淒涼 杜蘭香去新篇少燕子東風老誰  
傳七字向殘箋賺我夢中吟了十多年

又

消他幾句愁邊稿斷送詩人了柳陰青粉謝家牆依舊  
落花小院夕陽黃 女墳湖畔東風碎誰送楓根紙年  
年杜宇向黃昏細雨梨花灑血哭殘春

又 晚春

落紅鋪滿樓前路淚也無彈處雨停得意鶉鴉聲只恐

殘陽難作幾時明 隔溪斷續連山屋萬樹濃堆綠可  
能容我岸烏巾做個晚花幽草畫中人

踏莎行

次臯謨叔韻

短燭三條凍梅一樹月痕窗外徐徐去落燈天似晚秋  
寒病春人卧消魂處 撥火香殘彈絲調苦客愁央及  
啼鴉訴夢中尋夢幾時醒小橋流水東風路

臨江仙

綵絡雙鉤銀蒜小鸚哥簾外貪眠幾枝楊柳濛新煙碧  
闌絲雨嫩人在落花天 半鞦香篝裏坐書愁自疊  
紅箋夾衫初著御輕綿珊珊腰更瘦不耐晚風前

又

詩思燈前來草草被風吹去三分推窗獨自倚黃昏  
墻低通竹影枝暗失花痕好是小簾斜月地無端憶夢  
懷人玉梅花底淡黃裙相逢會半醉一別竟殘春

又

呂城道中

一棹離鄉纔四日羈愁早似天涯布帆風色掠蒹葭  
雨晴山骨瘦岸圯樹身斜荒店夕陽人賣酒青旂冷趁  
飛鴉不成郵落雨三家老藤籬角蔓雜草壁根花

蘇幕遮

寒食

柳綿新梨粉瘦脉脉消魂池館輕寒透一霎花梢斜日



漏細雨連天又做黃昏候  
翠原風青冢酒地下紅妝  
睡損苔花繡腸斷玉蘭香  
豆蔻春到人間也到幽泉否

芭蕉雨

春雨

昏昏天影如墨不分朝與暮  
聲聲滴煙柳萬絲愁纖膩  
得一帶紗窗欲明無力  
苔紋階畔暗積鳩舌喚晴溫  
待何日攜琴西城陌  
只一味悶懨懨忘了清明前朝寒食

法曲獻仙音

經故人所居用張玉田韻

時有鴉啼絕無人影落葉滿堤  
飄捲慘不成游認來非  
夢漁汀一灣寒淺恨半尺新苔  
土生遮故人面  
暗風

軟吹不去一天哀怨縱漾盡今愁難消前感面也幾曾  
遮印心頭晝夜長見些些聲寒但疊將素紙裁剪奈并  
刀未下已自淚珠盈點

滿江紅

睡眼初圓衾麝暖翠滌烟痕臨曉鏡春山一對別翻新  
樣拂砌風輕鶯作態穿簾雨細花無恙繡牀前纖指怯  
朝寒金針放雙綵燕釵梁傍雙繡蝶裙拖上聽賣花  
聲過柳邊深巷門草心情垂手立兜鞋夢好低頭想正  
憐姬敲戶送香來銅鑲響

又

嫩碧池塘楊柳岸細風吹浪颭千縷煙絲撩亂不成春  
樣檻外紅新花有信鏡中黃淡人微恙兩眉尖疊著許  
愁難安放屏風側闌干傍香正熟簾初上看鶯啼遠  
樹燕歸斜巷夢短易添清晝倦書長慣費黃昏想又隔  
廊雛婢覺敲棋秋枰響

又用秋水詞韻

黛拂輕螺看淡淡兩山青了須念我華花新落休嫌潦  
草架上牛衣紅淚在夢中鸞信青天杳把歸來堂裏話  
閒提爲伊道翻繡譜鴛針小書唐韻籠香繞且清尊  
互勸瘦琴同抱風榻茶煙秋病思月簾花氣春愁料怎

簫樓一對可憐人如今老

又 送漣齋之粵用南溪詞韻

君去珠江山繞岸綠陰濃漲正連夜水添篙力雨蘇花  
惹詩向乳鶯聲裏得船依遠鰲帆邊上看低篷攏處佛  
桑間蠻姬餉 庾嶺月清光漾花田曲清喉唱更荔枝  
壓酒味逾家釀鳳子親圓紋勝錦珊瑚網出枝堪杖快  
千年重續稚川游煙霞狀

天香 情和卽事用景覃韻

過了蠶眠又看桐乳小園春意初寂俗佛西庵放生東  
寺信步東西閤適竹林煨笋新火就石間敲擊倩婦移

瓜催兒理釣課童收麥 佛桑載來遠驛記飢驅蠻江  
行役今日繞闌紅處閃身岸幘便約鄰翁快飲向老瓦  
盆中瀉香液入饌銀鱗膩膏鮮滴

燕山亭

喜晴

過了春分酒幔香篝總被雨工纏攪落盡櫻桃濕盡棠  
梨天也沒些分曉聽雨聽風忽聽到弄晴啼鳥遙眺見  
塔碧空烟樓紅晚照 從此蝶暮鶯朝把月怨花愁一  
齊都掃柳巷吹簫繡野呼鷹換却他鄉懷抱鴨綠痕深  
放得古塘歸棹更竹籬外小桃綻了

念奴嬌

金陵秋思

江山如畫被西風旅雁做成蕭索人與門前雙樹柳一  
樣悲傷搖落舊院花寒故宮苔破今古傷心各浮生皆  
夢可憐此夢偏惡看取西去斜陽也如客意不肯多  
擔閣料得芙蓉三徑裏紅到去年籬脚瘦削腰圍嶽嶽  
骨相厭殺青衫縛文章底用我將歸事耕鑿

高陽臺

舟中用張玉田韻

遠縷鵝黃短篙鴨綠東風穩放吳船十里山光詩情又  
入今年桃溪竹塢誰家住也鶯聲一樣堪憐簇青紅塔  
影春城半裏輕烟行行漸隔鄉關路但天底短草霞  
沒長川知道來宵孤帆更落誰邊且憑閒夢隨輕櫓水

雲中半晌清眠莫傷心縱有飛花絕少啼鵲

琵琶仙

秋日游金陵黃氏廢園

秋士心情況遇著客裏西風落葉惆悵側帽行來隔溪  
景淒絕沒半點空香似夢只幾簇野花誰折莎雨寒幽  
石烟荒淡鶯蝶飛歇試問取舊日繁華有餅姬漿翁  
尙能說道是廿年彈指竟風光全別真不信尋常亭榭  
也例逐滄桑棋劫何怪宋苑陳宮荒帖弔月

玉燭新

雲期舊居有紅杏一株每歲花時輒同吟  
賞今屋主他姓君亦下世初秋偶過其下  
子立傍徨不勝繫馬間庭之感漫填一長  
短句用香嚴詞韻

清溪環舍後記小苑鶯邊杏腮紅驟雨三騷客狂吟處

寫遍釵形屋漏嗅香敲句常悞了月痕鐘候又誰料人  
落先花多時淚無乾袖呼君一片吟魂向斜日光中  
爲儂來否柳眉遙門似悵望地下憶花人瘦花應再秀  
只難見荀郎白首儘腸斷煙雨年年玉梢脂繡

齊天樂

試茶沈家亭子用史梅溪韻

東風有信招游屐夢趁蝶魂先去酒琰權拋茶經手挈  
翠碾槍旗新雨閒情自許儘乞火邨庵問泉隣渚就石  
支爐瘦煙裊裊出深樹面城宛同物外茅亭剛斗大  
四山青聚風物他鄉情懷春盡嫌殺尋花雙羽詩題短  
柱怕布襪青鞋後期多阻無限幽悰對輕甌絮語



二郎神

清明思舊用歇浦詞韻

白楊枝老暗鎖一天愁霧絕調已銷沉怎把鍾期重鑄  
勝游空數也識人間懷舊淚滴不透夜臺深土單苦是  
山頭灰蝶飛遍我凝眸處聽去鴂冷清簫鶯淒遠樹  
漸挨到黃昏燈乍點又門掩棠梨寒雨可憐新火新泉  
換總催得少年人暮看昨日花雞小冢誰添薜紋侵路

飛雪滿羣山

咏煙川湘瑟詞韻

蕩漾花魂低迷蝶夢陰陰靜鎖朱闌將無做有似濃還  
淡柳絲一桁新寒瑤姬行雨過珊珊映雲衣霧鬢消魂  
尤在水邊清曉山際夕陽間還殢著短亭青草路弄

三分掩冉遮隔征鞍暗籠風外微沈月底教人目斷鄉  
關一天愁思遠正浮滿空庭夜闌分將小像博山香畔  
仔細看

薄倖

秋槎題余香雪詞似有宋玉之疑賦此奉荅  
即用來韻

心花落艷似寂寞枯禪退院便吟出曉風殘月那是蘭  
陵真面只鈞天一夢消魂顏憑淚洗腸輪轉歎雨絮前  
緣霜蘭現業負盡三生恩眷却是詩因墨果休猜做  
世間情戀況天荒地老名聞影隔東風不認樓中燕秋  
墳露濺倘知音憐我客嘲肯製招魂換裝來玳瑁留抵  
返生香片

蘭陵王

小樓角一樹新桐孕萼湘簾冷雛燕怯飛那更東風曉  
偏惡菱花瑩妝閣淡淡臨窗梳掠玉梯畔隨意行來一  
種天真最難學無言映珠箔正閒拂霜毫字仿釵腳  
珊珊影並爐煙弱旋小斂鴛研微揎羅袖筍嬌黃嫩宛  
似削把鬟纓低約珠珞鎮閒却愛釵綴通犀鞋繡文  
雀葯房煖葳蕤鑰恰襟上香暖鬢邊花落這般情景  
怎教我不念著

徐庚

字同懷太倉人諸  
生有墨華詞二卷

王小山云同懷年少俊才不隨時尙尤愛填  
詞墨華一集半皆風情之作徵詞婉約托興

遙深

國香 素蘭

炎嶠雲蒸記建波弄楫曾采幽馨經年素心重見玉韻  
輕明付與瑤臺仙骨笑春蕙雪凍孤莖千山畫眉路那  
稱聯芳碧杜紅蘅 芰天空九畹想湘臯佩解也換珠  
英月沉絃冷江上誰薦騷靈夢斷晶簾虛館沁肌香人  
在壺冰涼宵賦清些可保秋風淡水長盟

齊天樂 蓼花

蕭蕭木葉荒江岸沙明水湛低遶碎糝霞痕密穿柳淺  
映斷冷蕪斜照鷗邊短棹看拂笠縈蓑一絲垂釣獨客

蒼茫楚天秋色黯霜曉  
青蘋素蓋漸少晚寒搖錦帶  
芳思幽渺已折珊瑚未沉彩珮猶幻粟香紅小柔枝恁  
好宛水墨清疎祐陵殘蕖綴影西風汀洲和雁老

玉漏遲

中秋用吳夢窓韻

雁天飛翠管紺雲吹破霽華澄晚桂影搖金猶記隔花  
瓊腕悄倚空欄露冷照秋鬢烟絲零亂冰鏡滿素娥喚  
起倦情一半誰念千里南閩又幾度芳辰幾回淒怨  
箔碎玲瓏不似舊香珠幔虛費清輝狼藉淡星暈玉繩  
斜轉凝淚眼風前搗砧聲遠

洞仙歌

寒蝶

雪花綴草尙低飛輕弄薄薄鉛衣隔烟動悵舊遊何處  
燕老鶯空探病菊已少冷香吹送歲蕤荒院鎖殘照  
依然不見春風管絃縱便倩謝郎才重賦吟魂也悽斷  
飄零仙種念一點枯痕度寒沙又怎引相思玉人幽夢

臺城路

薯

蚍江沙潤畦分後連雲翠生芳薯胥岸花輕拍溝蔓弱  
滴透暖籬酥雨玉根斲取勝谷底龍瓜嶺頭鴟芋海嶠  
仙人采苓應誤孕脂處夕陽村掩蟹戶幾家充野飯  
香裊千縷拾橡同炊然糠慢煮阿囷一燈歡聚薦來菴  
旅記青鱗黃金江郎珍許更吸新醅露甘濃潑乳

江淹  
薯頌

國朝詩集卷二十六  
二  
云黃金共壽青鸞爭年又閩人以薯蕷酒頗佳

又黃蒿薇洗桐書屋分賦

漢宮小隊勾朝額依稀道家粧淺澹洗鉛痕暈侵梳貌  
有分桃花同伴翠屏繡展乍拋與榆錢笑低檀臉錦魄  
誰埋玉雞苗引密香滿金猊沈水謾薰瘦蟾籠靚影  
易誤芳釧杏子衫單鷺兒酒嫩好是病餘春院露芬手  
盥爲伊品風流悄題東絹一片零飛彩雲和夢遠

鵲橋仙 辛亥七夕

青鸞乍訂素娥休妬冉冉雲輶迎送玉河滴淚瀉銀潮  
早難省一宵雙夢柳州賦冷丁娘梭折憑乞巧思何

用不如月下小蜘蛛任鈿盒春纖親捧

掃花遊

落葉用王碧山韻

蕭蕭槭槭墜千片霜痕舞難留住蠻江倦旅弔荒沙澹  
月與誰同賦病骨梳風小倚空廊聽取恨如許早一別  
漢南人是枯樹南浦芳信阻似木落波寒洞庭衰楚  
美人玉宇想題紅夢斷悄驚鈴語去國蕭郎碎滴心頭  
暗雨何處又翻飛凍烏淒苦

甘州

燈夕感舊

記春城火齊萬珠紅光怪舞魚龍正烘鑪戲鼓鉶車繡  
箔月麗花濃年少芙蓉詞客側帽訪仙蓬門韻箏筵裏



醉墨朦朧 三載榕江倦旅歎雨空今舊雁濶西東看  
披韞囊隊爭入鬧蛾叢剩孤影冰沙雪嶠和哀羌一笛  
落梅風誰憐我淚多殘蠟容老癡銅

東風第一枝

用陸茨樂府韻

晴逼檐牙潤收簾額芳春被柳搖醒西窗碧吐蓉姿南  
浦翠開鏡影輕衫短鬢又攪入酒愁花病念客久瘦似  
冰梅怎禁小闌幽凭 展一幅倩容素整鐫一寸密香  
盟靜夢溫蛺蝶行雲淚濕鷓鴣彩枕瓊枝秀嫩昵錦障  
風光空省悄凝思正江國鴻沉月底淡蛾春冷

踏莎行

梅

蕊珮凌雲綺衣映樹飛瓊不向瑤臺去嫩嵐如黛月如  
眉玉魂瘦盡無人處 紙帳幽清琴心澹苦東風流恨  
無重數暮江飄忽雨絲寒斷鴻渺失孤山路

臺城路 荔支和韻

仙宮海上紅雲合九霞帳中初醒錦鳥銜來羅囊賂取  
正到炎天好景晶盤瑩淨薦翠葉輕鮮紺珠流潤纖指  
層分素蘭香沁袖衣冷 華清想像浴起乳痕含嫩滑

光是酥凝甘並醞醑爽分沆僇恰惹相思渴病長江阻  
嶺記舊果楊家也誇名俊輸與蠻姬睡芬幽自領

洞仙歌 茉莉和蒲江詞韻

蟬紗小袖摘冰苞，纖瘦曾勸新涼。月中酒更蘭湯浴起，  
薤葉眠初開。玉合香引夢雲輕就。炎州從到此，花簇  
南強幾度家山黯。回首蕭淡一叢叢。簾際屏間知護否，  
嫩容依舊偏惱。是蠻坊露芬濃見秀髮珠娘曉簪時候。  
天香

漳州署齋紫薇盛開爲涇東師賦

灑灑紅霞斑斑蜀錦玲瓏幾費勻剪。朱烏窻明綠莎廳  
靜占斷鳳池一半香。瓊翠絡須不比抱烟驚散石尉層  
閣步障魏宮傳殘粧面。茶烟鬢絲輕罨有分司對花  
吟玩好在日長仙府凌秋標艷依約千房競笑是乍趁  
郎來意都滿驗取瑤光新臨彩苑。

國朝詞綜卷二十七

青浦王昶纂

吳焯 十首

符曾 一首

孫岫瞻 一首

陸大復 一首

陳濟 二首

金鞏鑾 二首

董家驥 一首

黃知彰 一首

張陳典 一首

鄭燮 一首

劉綸 一首

齊召南 一首

萬光泰 一首

馬曰琯 四首

馬曰璐 十一首

陳榮杰 四首

吳焯

字尺鳬號繡谷錢唐人有玲瓏簾詞一卷

厲樊榭云繡谷作詞在中年以後寓托既深攬擷亦富紆徐幽邃驚惋綿麗使人有清真再生之想其摛譜尋聲兢兢于去上二字之分尤不失劑度

惜分飛

黃鳥陰陰交接語一帶斜塘烟樹正是消魂處梨花雪盡楊花絮留得春爲花事主春又風風雨雨花也難留住空闌題偏傷心句

一萼紅

和樊榭吳興郡臺遠眺時被江並在兼寄

雨餘天望盆山草木此際更蒼然小徑花橋幽光月榭相攜官舍吟仙愛臺上雲鬟萬叠占水國清氣洗銀鉛

憑仗研詩畧難勾畫分付香牋  
紅藥橋邊涼客帶二分鄉月一掬山泉掠履行風捲簾坐水還對翠袖朱釵  
不負汝秋林琴雅彈古調幽寫十三絃我亦月湖漁隱  
占住鷗邊

風入松 放生池

石橋低架水痕侵飛翠濕衣襟行邊不見塵生藓聽玲瓏響屐空音盡處渾無花影接來一片湖陰一圍天鏡鑲清深梵閣外周尋空明依約無多地但斜陽到此  
銷沉不待蘆花露白暮涼吹動秋心

解語花 和樊榭春日閨人搗鼓

東風暗擘細雨晴初。嫩閣催春起。數番花碎聲來，是亂  
燕、枯枝無字輕。瓊溜指早，不覺露翹鬆翠，爭畫簾黃雀  
驚飛笑弄，鐙宵戲。會記花奴舊事，喚花魂才醒，鶯夢  
先醉。玉郎聽未知春在，廊曲一絲風裏。嬌雷倦膩勝珠  
絡，迎鞦韆頻遞。偏愛他頭上雲飛飄袖，鸞雙翅。

玉京秋

秋雨歇。秋聲蚤。驚隊淺林初葉。井牀露玉樓簷，鳴鐵最  
好香消酒醒。卧看星湘簾寬帖。消殘熱已涼。天氣未寒  
時節。夜久清颼梳髮轉。回廊疏闌洞徹。只恁時燈餘  
紅豆茶溫。香雪一樹梧桐。聽似雨。却是風來搖月月痕。

沒涼影沉窻夢澗

百字令

西庚三弟近賦柳枝辭不是楊家辛苦種  
怎教飛雪過江南賦此以廣其意

綠陰如夢記離亭暮笛吹高明月杜杜三生渾未醒不  
管一春飛雪是處藏鴉誰邊繫馬憑著詩人說賦情如  
此渡江人更愁絕長想水殿風多輕梳細綰青映蕭  
孌髮蝴蝶生來花底住蚤又鵲聲啼血况自河汾畧經  
淮甸古恨無銷歇江南烟雨滾塵吹斷香接

玲瓏四犯

十二月望夜偕杜林先生登紫陽峰頂  
錢生吹笛遠近道院客皆起潮四下矣  
杜林賦詩記事余度此曲

烟鎖林峰漸白遍江湖情景奇絕翠管吟龍石霽凍雲



飛出驚起鶴夢花關度警喚一天風急看兩廂水月精  
魂都是玉壺凝魄短裘茸帽寒無力掃霜錢綠蕪微  
跡一年十二團圓夜今夜窮陰堪惜誰解此地荒涼尙  
有江南羈客笑玉關春近吹不盡梨花雪

市橋柳

聽燕語雕梁弄晚盡日下垂銀蒜已消瘦了梨花怪東  
風却纔意兒嬾漸看玉羅雲暗捲漏斜明新月一痕  
偷剪露幾點星蕭蕭半昏黃玉人又遠

鳳御杯

新柳

新烟不重春無跡開嫩眼暗偷春隙滿把柔絲輕試東

風力遮不住斜陽色  
小樓南玉溪側珠絡鼓爲他催  
擊幾縷春魂暗裏鶯簾隔早又春愁織

芳草  
春草

遶湖西裙腰細路尋芳暗擁雕輪折絲新繡地冷香猶  
暖儘妬色迷人露光朝淡洗一分陰留一分春更雨約  
風梳舊痕又上新痕  
消魂三三徑裏有愁如此殘夢  
何因禁烟寒食候踏青人去盡目斷飛塵庾郎題恨賦  
最傷懷獨立江津莫更憶吹笙柳道弄笛梅耶

被花惱  
游絲

絲絲只在一絲風風裏暗收春去小院晴廊不知數鶯

捎不斷蝶飛又起却爲悠揚住花落後夢醒時惱人直  
恁無情緒空外攪浮塵度柳依稀帶輕絮銀塘漸濶  
拂過澄沙落日明邊聚趁回鞭一裊帽簷低幾會紉離  
亭短長路忽一陣細雨陰來無覓處

一符

曾

字幼魯號葯林錢唐人監生由保舉  
官至戶部郎中有春鳧詞藻一卷

雪梅香

喜今日新歡重整管絃齊料春風有意便教枝上雙啼  
老綠縱堪輕雪舞淡黃應怕曉烟迷餘寒盛最是香闌  
重撥金猊風光問何處簾幙深垂事事相宜休誇花  
開平明勒馬長堤西子晨妝方楚楚王孫芳草任萋萋

但看雕梁畫棟燕子啣泥

孫岵瞻

字慎旃吳縣人有艷雪詞一卷

雙雙燕

詠燕用梅溪韻

薄寒尙在見燕子翻風素襟餘冷飛飛上下曾記鏡臺  
相並只恨花殘露井又早是新巢難定淒涼社日重圓  
不見去年雙影荒逕苔衣尙潤縱學哺新雛也輸輕  
俊呢喃愁語禁得雨昏烟暝料是栖香未穩更誰帶紅  
絲芳信只憐亞字闌干有个愁人獨凭

陸大復

字松澗平湖人貢生

南浦

送南蕪入都用玉田韻

分手路三千最相思  
茆店雞聲催曉且緩唱驪歌紅螺  
酒一醉離愁都掃清商早被旗亭譜入秦箏小此際秋  
懷差不惡休賦靈均香草吟窓會共疎燈算他年官  
把盟鷗忘了笑我太疎狂青氈破曾是日邊能到秦淮  
渺渺片帆徑渡烟波悄爲問凌雲新獻賦藤紙價添多  
少

陳

濟

字用舟金山人貢  
生有聽鶯詞一卷

琵琶仙

榆村舊有廳得羅浮新句在倩他紅袖烏  
絲之句繪圖索題

明月羅浮幾人到  
四百芙蓉奇境曾是游跡飄零多情  
繪仙影春去矣鸞牋象管只留得幾篇清詠夢杳燈殘

參橫月落魂斷梅嶺 最堪憶山水吟懷向綠簾無聊  
弄餘興低唱小紅記否算浮生薄倖搔短鬢年華似水  
又一番隱恨重省想見書格簪花綠牕風靜

採芳信

聽蓮漏正閨筆吟秋挑燈對酒悵白門烟雨風流空如  
舊多情忍憶雲英話半是因人瘦過東軒月護花陰碧  
紅輕逗 風信小庭驟記寫恨香牋題詩紅袖愁寄三  
秋君亦有情否板橋聽罷橫江曲夢斷難回首最銷魂  
一帶斜陽疎柳

金肇鑾

字羽階錢唐人貢生有  
存齋遺藁一卷詞附

杭莖浦云存齋為厲樊榭先生高弟其詞幽秀澹逸頗似秋林葉雅之遺

望江南  
游茗溪道場山

道場寺寺在道場巔花外午餘逢破衲佛前香燼剩殘  
烟屋角過流泉

又

道場寺夾道竹林遮好向山家挑晚筍漫隨僧舍試新  
茶微雨返輕槎

董家驥  
字仲眉  
元和人

蒲庭芳  
江村山齋

夢裏烟霞畫中泉石清光不減蓬瀛曲闌干外風定一

溪平書帶盈盈繞砌簾不捲綠滿桃笙憑高望山浮一  
抹了了數峯青 閒情行樂處臨池潑墨自寫雲屏看  
楓生堂上風雨縱橫忽覺一聲鶴唳疎竹裏明月纔升  
隔溪樹樵歌漁笛倚枕帶涼聽

黃知彰

字貫芬南匯人貢  
生有烟霞閣詞

南柯子

月

掬水詩痕淺窺簾酒眼醒小鬟吹滅畫樓燈恰借一枝  
梧影上圍屏 團扇花間掩纖鉤柳外生飛仙往事太  
無憑愁絕天青海碧少人行

張陳典

字薇五嘉定人乾隆元年進士官銅  
仁縣知縣有夢亭詩稿二卷詞附



臨江仙 悼亡

依舊薔薇香壓架背人清淚偷彈合歡牀在鳳衾單酒  
醒思往事一倍五更寒 徙倚小屏風近底夢中真見  
眉山花陰重覓珮珊珊荀香憐老盡潘鬢爲伊殘

鄭

變

字柔克興化人乾隆元年進士  
官維縣知縣有板橋詞一卷

唐多令

寄懷劉道士并示酒家徐郎

一抹晚天霞微紅透碧紗顫西風涼葉些些正是客愁  
愁不穩楊柳外又驚鴉 桃李別君家霜淒菊已花數  
歸期雪滿天涯分付河橋多釀酒須留待故人賒

劉

綸

字慎涵武進人貢生乾隆元年  
鴻詞第一授編修歷官文淵閣大學士謚文

定有絕菴集二  
十四卷詞附

踏莎行

同里王荆望采余詩意補成蓮廢寺圖因補此闕

宰木叢邊女牆頽處元時舊刹無僧住佛頭野鳥一巢  
成斷幡驚舞秋風暮大願船留長明燈駐泉臺莫遣  
歸魂誤土間重出定時鐘三生乞與聲聞路

齊召南

字次風天台人貢生乾隆元年召試博學鴻詞授檢討官至禮部侍郎

金縷曲

京口懷古次胡雲持

瓜步凝烟綠對茫茫風葭露葦傷心南國割據當時城  
鐵甕也學塗山執玉又六代繁華相屬天塹橫天掀白  
浪護金陵王氣青霄燭北軍渡敢飛鏃而今鷗鷺紛

盈目更誰憐隔江猶唱後庭花曲如此江山渾黯淡但  
剩鷺綾一幅斜畫著三山對壘東望海門潮怒吼正高  
秋嘹唳翔鴻鵠片帆渡舟如粟

萬光泰

字循初秀水人乾隆元年舉人薦舉博學鴻詞

掃花游

武彞茶

紅蘭香淨甚特地封來數重青  
簫松爐漫瀾看初收麥  
穎漸開蓮萼沸了還停滾滾春潮暗落  
畫樓角正酒醒  
桃笙雨晴簾幙天末雲滿壑問積  
筍峯前幾家樓閣  
花深竹錯想溪南三十九泉如昨  
擬試都籃誰與出  
翠屨晚風薄聽空餅慢亭歌作

馬曰琯

字秋玉祁門人乾隆元年薦舉博學鴻詞有嶰谷詞一卷

陳授衣云嶰谷性好交游四方名士遇非上者必造廬相訪近結邢江吟社以倚聲與賓朋酬倡與昔時圭塘玉山相埒其詞清新刻削能自名一家

齊天樂

送樊榭歸湖上

廉纖細雨侵衣袂  
梅天最難調攝  
苦筍過墻青苔上砌  
客裏光陰飄忽  
懷歸念切擬暫淪茶鐺  
少留吟篋  
只恐紅衣待君香散半湖月  
吹簫何處濯髮浸空明一片  
銷盡炎熱喚艇邀涼  
凭闌覓句沙際白鷗凝雪  
那堪間澗定驀憶山齋幾般縈結  
莫負秋窗滿林蟬亂咽

疎影

荷影

陂塘幾曲愛露盤一向照來清淺本自無塵依約凌波  
空裏淡痕香遠娉婷自顧羞明鏡渾不似靚妝朝綉夜  
深時素魄潛窺又逐水風吹亂遙憶江南舊種悟分  
身淨界愁思同幻鷗鷺沙邊幾回夢覺錯恨玉容消滅  
吳娃漫撥耶溪棹歌未歇露凝烟晚試歸來描取紅情  
寫上小窗東絹

壺中天

環溪紫藤

一灣流水架小橋三折漾漾花塢翠幄陰垂香不散透  
入春衫如霧密葉蜂尋瘦條蝶抱到此剛亭午暖風輕  
颺年年花下題句況是闌角歌紅苔堦偎綠潄琅璫

晴絮宿酒朝來還未醒幾箇曹騰春去雨後鬘陀現茲  
瓔珞天也留人住聽殘啼鳥斜陽遙挂高樹

柳梢青

效許圭塘體與樊榭漁川弟半查同作

日麗花酣土風清潤到處幽探石塢支筇水邨喚渡沙  
岸乘籃 漁罾蟹斲澄潭痕一抹烟梢嫩嵐稻飯紅蓮  
蕪羹碧澗好箇江南

馬曰璐

字佩兮祁門人監生乾隆元年  
薦舉博學鴻詞有南齋詞二卷

掃花游

春分

春來幾日被燕翦輕裁遽驚如許珠歌翠舞又匆匆截  
斷社日微雨寂寞鞦韆寒食歡游尙阻莫虛度把未去

韶光從此重數 芳信成淒楚看半在花梢半歸塵土  
華生坐誤只藏闔刻蠟不隨飛羽挑菜前期恍似佳人  
再遇試凝佇怕飴簫杏烟吹暮

壺中天

坐環溪紫藤花下

暮春時節正雨潤芳園草香苔徑前度桃花渾不見一  
架垂藤相引樹密牽雲橋橫隔水妙處閑能領蜂喧人  
寂遊魚空裏吹影 曾記摘蕊娛賓依稀還認是年時  
風景只恐黃昏春欲去漠漠紫烟愁暝散髮哦詩深杯  
喚月月在前山頂夜深歸去衿衣雲氣侵冷

柳梢青

效許圭塘體

望裏青帘梅低竹亞露出晴嵐燕子紅樓楊花深巷蝴蝶春彩  
幾回夢倚雲帆染不就波光嫩藍秧鼓村村  
菱歌浦浦好箇江南

齊天樂

片帆約共雲陰遠相看已縈愁緒淡景邀詩遙情入畫  
綠暗前時來路汀荷苑樹有花底魚經柳邊簫譜水夢  
山魂朗吟飛向鏡奩去 湖頭應憶舊侶正疎簾露滴  
如對幽語病渴文園耽佳飯顚算是襟分幾度離杯漫  
舉待潮落江天片時延佇直到涼秋翦燈同聽雨

惜紅衣

小漪南池上坐雨



細點分萍濃烟暗竹雨來波際曲檻閑憑紅衣動涼思  
鷗飛鷺立同照影盈盈一水清致塵事盡忘領微微花  
氣漁鄉釣里橫笛披簑還尋舊風味何人載鶴一舸  
柳陰艤不怕粉痕零落定有采蓮歌起又暮霞流影倒  
映碧羅叢底

綺羅香

春陰

宿雨籠雲輕寒殢酒何日晴光方準庭院悵悵過了一  
分花信梨玉慳羃霧誰禁柳眉銷帶烟難認最消凝簾  
捲湘波欲彈春思緩瑤軫層層芳靄不散遙望嵐容  
似醉供愁無盡夢隔江南會結幾番燈暈費爐熏閑卻

吟衫剋畫景做成離恨乍憑他夕照吹開奈何天際暝

謁金門

查梅壑晚村歸鴉

孤村遠流水小橋秋晚木葉無多霜欲染昏鴉飛數點  
想見野情蕭散獨立斜陽數遍待得寒風翻雪片柴  
門依舊掩

木蘭花慢

秋帆

挂秋風十幅澄波淨轉飄揚共五兩多情烟蒲無恙拂  
露凝霜高張甚時送遠更涼天不了帶殘陽半偃楓林  
思澗孤懸橘岸情長 蒼茫極望渺修江去鴈趁斜行  
記酒盞詞箋水雲飛渡天外鱸鄉相羊暮侵岫影是何

時吹笛泝瀟湘猶及菱歌唱晚一蓬月卸樓窗

南莊有卸帆樓

買陂塘

仲秋集東園

貯幽壺颯然涼思淡人情致如許枯荷折葦驅殘暑一點月香懸樹鷗試住認短短平橋野水當門護軒窗暗數看白髮梳風冲襟浥露秋艷待分付重經處依舊回汀斷淑蘭成憔悴吟賦玉琴彈徹天容淨消得酒經花譜雲半縷聽隱隱漁歌隔岸斜陽暮江南舊侶怕社燕將歸殘蟬對語沙尾挂帆去

謁金門

棟花和玉几

陰漠漠棟子花開簷角催得韶華都過卻東風渾未覺

喜有茶杯相約低映一枝紅藥只恐明朝吹又落閑吟無處着

眼兒媚 將至吳門先東陸茶塢

蕭蕭暮雨起吳謳雙槳劃春流故人花外舊遊夢裏往事橋頭吟情酒意尋常有欲放五湖舟閭門楊柳琴

臺風月先訪閭邱

陳榮杰

字無波一字慕陵祁陽籍會稽人諸生乾隆元年薦舉博學鴻詞有香夢詞二卷

柯南陔云無波詞能掃除靡曼之音特標清新之意黃唐堂云無波詞風流自賞不輕出以示世獨以余爲知音其一種清虛婉約之致全以情勝

長相思

憶柯南陔

杏花紅蓼花紅  
花落花開小苑空  
相思一萬重  
怨春風怨秋風  
春去秋來離恨中  
樓頭聞斷鴻

浣溪沙

捲起疎簾懶上鉤  
鸚哥無賴喚梳頭  
天涯人遠倚層樓  
燕尾剪春寒  
雨細鶯歌溜日曉  
風柔賣花聲裏夢揚州

更漏子

早梅紅殘  
薜碧睡起恹恹無力  
眉不展  
倚湘簾  
春寒上指尖  
情思劣  
如何說  
手弄同心帶  
結山疊  
疊水遙遙  
相思魂暗消

羅敷媚

春日

瑣窗窗外辛夷下  
記得羅襟帶綰同心  
低躲花枝  
罨鳳簪  
如今花發春風冷  
庭院深深  
蓮漏沉沉  
明月無端  
照玉琴